



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2025

TICONDZISO TEKUMAKA

EMAMAKI: 100

Leticondziso tekumaka tinemakhasi la-11.

SIGABA A: INDZABA**UMBUTO 1: KUBHALWA KWENDZABA (340–390 emagama.) (50 emamaki)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ayinikwe sihloko.
Kwemukelekile kutsi umhlolwa abhale sihloko nobe inombolo yembuto lawukhetsile.

1.1 *Kwadzela tibukeli***LOKUBALULEKILE:**

- Umhlolwa kulindzeleke kutsi abhale ngemcimbi nobe sehlakalo lesajabulisa/**Lesingamange sajabulisa** kwate kwadzela tibukeli.
- Indzaba kungenteka ilandzise/ivete limuva lembhali/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]1.2 *Letimoto letinyenti kangaka!***LOKUBALULEKILE:**

- Umhlolwa kulindzeleke kutsi abhale ngemitselela nobe tizatfu tekugcwala kwetimoto letinyenti emigwacweni nobe etindzaweni letitsite: njengasemingcwabeni, etinkhundleni temidlalo, ekhatsi edolobheni, emicimbini. Imitselela ingafaka ekhatsi kufikisa bafundzi nebasebenti ngemuva kwesikhatsi/**Angabhala nangetinhlobonhlobo tetimoto letikhicitwa kuletinsuku, letisebentisa ithekhnoloji ngetindlela letehlukahlukene nalokunye lobekungekho kuletimoto takudzala/Angabhala ngetimoto letinyenti letitemuntfu munye. (Naleminye imibono lehambisana nesihloko yemukelekile.)**
- Indzaba kungenteka ichaze/ilandzise/ivete limuva lembhali.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]1.3 *Sekuphilwa ngekwesaba kuletinsuku***LOKUBALULEKILE:**

- Umhlolwa kulindzeleke kutsi abhale ngeluvo lwakhe ngalesihloko nobe bufakazi bekutsi sekuphilwa ngekwesaba kuletinsuku kantsi phambilini bekungenteki. (Sib. Bugebengu Iosebubhokile/Kweba/Kubulalana.) **(Naleminye imibono lehambisana nesihloko yemukelekile.)**
- Indzaba kungenteka ivete limuva lembhali/ilandzise/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.4 *Hulumende akalawule tinkhundla tekuchumana (isoshiyali midiya)***LOKUBALULEKILE:**

- Umhlolwa kulindzeleke kutsi avete tizatfu letenta atsi hulumende alawule tinkhundla tekuchumana (isoshiyali midiya) nobe avete tizatfu letiphikisa lesihloko. (Sib. Lusito lwato/Kuchumana/Kutfola lwati lolusha. Lotawuphikisa utawuveta bubi bato/Kucabanisa bantfu/Kubhebhethsekisa bugebengu eveni.) **(Naleminye imibono lehambisana nesihloko yemukelekile.)**
- Indzaba kungenteka ilandzise/ibe hlangotsilunye/nhlangotsimbili/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]1.5 *Kuhlala nemfihlo ...***LOKUBALULEKILE:**

- Umhlolwa kulindzeleke kutsi abhale ngebuhle nebubi bekuhlala nemfihlo. Sib. Buhle
Kuthula emndenini/Kutsandzana/Kungabandlululani/Kwemukelana njll. Sib. Bubi
- Kungaba nekulwa/Kubanga kutondzana/**kugula lokungagcina kukuholela ekufeni nobe kucindzeteleka engcondvweni.) (Naleminye imibono lehambisana nesihloko yemukelekile.)**
- Indzaba kungenteka ibe hlangotsilunye/nhlangotsimbili/ichaze/ilandzise/ivete limuva lembhali.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.6–1.8 Tonkhe tindzaba letiphatselene netitfombe tingatsatsa nobe nguluphi luhlobo lwenzaba: indzaba lelandzisako, lechazako, lehlangotsilunye, lenhlangotsimbili naleveta limuva lembhali.

LOKUBALULEKILE:

- Umhlolwa kulindzeleke kutsi avete emaphuzu lavakalako lahambelana nesitfombe, angagudluki kuso. 1.6. Sib. Bahlolwa bangabhala ngelusito lwekucala/Ingoti lahlangabetana nayo. 1.7 Sib. Bahlolwa bangabhala ngekungenela umncintiswano wekugijima/Umsebenti wetemidlalo. 1.8 Sib. Luhambo labalutsatsa/Kuvakasha ngemaholide/**Kugibela intsaba. (Naleminye imibono lehambisana nesihloko yemukelekile.)**
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]**CAPHELA: Kwabiwa kwemamaki: (Bona irubhriki)****SAMBA SESIGABA A: 50**

SIGABA B: EMATHEKSTHI EMIBHALOMBIKO

**UMBUTO 2: IMIBHALOMBIKO (100–120 emagama itheksthi ngayinye)
(2x25=50 emamaki)**

2.1 INCWADZI YEBUHLOBO**SAKHIWO: LOKUCUKETFWWE**

Incwadzi ayifake loku lokulandzelako:

- Singeniso, umtimba nesiphetfo.
- Likheli linye leliphелеle lelingakafakwa timphawu tekubhala nekufundza lelisesandleni sekudla.
- Likheli liba nelusuku, inyanga ibhalwe ngeSiswati (Sib. 12 Lweti 2025)
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako. Sib. Dzadzewetfu/Lomafu)
- Kweciwa umugca ngembikwesingeniso.
- Singeniso lesetfula loko lokutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetfo.
- Siphetfo lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako. (Sib. Ngimi umnakenu/dzadzewenu.)
- Sibongo asifakwa.

LOKUBALULEKILE:

- Incwadzi ayihalalisele dzadze wemhlolwa ngekutsenga imoto lensha lesezingeni lelisetulu, ivete nekutsi kuyacala kuba nemoto ekhaya kubo.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.2 I-IMEYILI YEMTSETFO

SAKHIWO: LOKUCUKETFWE:

I-imeyili yemtsetfo ayifake loku lokulandzelako:

- Iba nelikheli le-imeyili lalobhalelwako. (Sib. mangetb77@gmail.com).
- **Umdlolwa angafaka nalamanye emakheli alabanye labangemukela le-imeyili.**
- Ayibe nesihloko lesiveta inhloso yalokubhalwako. (Sib. Kubonga **kukhokhelwa tindleko tasenyuvesi.**)
- Akube nesibingelelo lesihambelana ne-imeyili. (Sib. Mnumzane/Nkhosatana/Nkhosikati.)
- Ayibe nesingeniso lesifisha, umtimba nesiphetfo lesifisha.
- Sivaleliso asibe ngulesihlelekile, sibongo siyafakwa. Sib. Ngimi lotitfobako
Bhodloza Zwane

LOKUBALULEKILE:

- I-imeyili ayivete umhlolwa abonga somabhizinisi ngekumkhokhela tindleko tasenyuvesi. Ayivete imphumelelo yakhe.
- Umdlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.3 INKHULUMO LEHLELEKILE

SAKHIWO: LOKUCUKETFWE:

- Inesingeniso, umtimba nesiphetfo.
- Sihloko senkhulumo. (Sib. Inkhulumo lemayelana nekufundzisa ngendlela lekumele badle ngayo bantfu lesebakhulile.)
- Kubingelela sihlalo netetsamelilwati.
- Singeniso lesetfula loko lokutawukhulunywa ngako.
- Tindzima tenkhulumo letinemaphuzu labumbene.
- Siphetfo senkhulumo lapho kusongwa khona onkhe emaphuzu latawetfulwa enkhulumeni.
- Kubonga sihlalo netetsamelilwati.

LOKUBALULEKILE:

- Umhlengikati aketfulele bantfu lesebakhulile inkhulumo lemayelana nekubaluleka kwekudla kahle kute bahlale baphilile.
- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile nangalokuhlelekile.

CAPHELA: Kwabiwa kwemamaki: (Bona irubhriki)

[25]

2.4 I-ATHIKILI YELIPHEPHANDZABA**SAKHIWO: LOKUCUKETFWWE****I-athikili ayifake loku lokulandzelako:**

- Singeniso, umtimba nesiphetho.
- Sihloko se-athikili (Sib. Kwecwayisa babhikishi)
- Lusuku lebhalwe ngalo.
- Ligama lembhali wayo.
- Ligama leliphaphandzaba leya kulo. (Sib. Umlomo Wesive)
- Kubhalwa ngetindzima/ngemaphuzu/ngemakholomu.
- Kusetjentiswa emafonti lahlukahlukene.
- Tincomo.

LOKUBALULEKILE:

- Caphela kutsi i-athikili iphatselene nekwecwayisa babhikishi ngemonakalo labawentako uma bakhala ngekungaphakelwa kahle kwetinsita. (Sib. Kushisa imigwaco, takhiwo letitinsita, tiftutsi.)
(Naleminye imibono lehambisana nesihloko yemukelekile.)
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: KWABIWA KWEMAMAKI: (Bona irubhriki)**[25]****2.5 INKHULUMOLUHLULO****SAKHIWO: LOKUCUKETFWWE****Inkhulumoluhlulo ayifake loku lokulandzelako:**

- Sihloko. (Akube nesendlalelo lesiphatselene nenkhulumoluhlulo.)
- Umtimba wakhiwa yimibuto yalohlolako. (Umnininkampani kanye nasihlalo welikomidi lelibuke imidlalo.)
- Siphetho. (Kusongwa kwenkhulumoluhlulo.)
- Luhloko. (Emagama alabakhulumako abhalwa ngasesandleni sesancele bese kufakwa ikholoni, bokhulunyiwe abafakwa.)
- Lokwentekako kubhalwa kubakaki.
- Kusetjentiswa inkhulumongco.

LOKUBALULEKILE:

- Labakhulumako akube ngumnikati wenkampani nasihlalo welikomidi lelibuke imidlalo leyehluhlukene. Akukhulunywe ngetizatfu lambitele tona. (Sib. kutfolo kabanti ngemidlalo labayentako, kutfolo tidzingo tabo, nemphumelelo lababe nayo.)
- **(Naleminye imibono lehambisana nesihloko yemukelekile.)**
- Umhlolwa akanikwe litfuba lekubuta lafuna kukwati ngalengkulumoluhlulo.
- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile nangalokuhlelekile.

CAPHELA: Kwabiwa kwemamaki: (Bona irubhriki)**[25]**

2.6 LUHLELO NEMAMINITHI EMHLANGANO**SAKHIWO: LOKUCUKETFWWE**

- Kulindzeleke kutsi umhlolwa acedzele luhlelo laniketwe lona bese ubhala emaminithi alomhlangano. Lamaminithi akahambisane naloluhlelo lwemhlangano.

EMAMINITHI

- Ahambisana neluhlelo futsi asuselwa kulo.
- Tihlokwana letiseluhlelweni tibuye tivele futsi tilandzelane njengobe tinjalo emaminithini.
- Tincumo letitsetfwe emhlanganweni.
- Kuvalwa kwemhlangano.
- Kusayinwa kwemaminithi nelusuku lasayinwe ngalo.

LOKUBALULEKILE

- Umhlolwa akacedzele luhlelo lwemhlangano lanikwe lona abuye agcwalise netikhala.
- Luhlelo nemaminithi akuvete umphatsisikolo akhuluma ngetitfombo tetibhidvo netitselo letinikelwe Litiko Letekulima.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: KWABIWA KWEMAMAKI: (Bona irubhriki)**[25]**

SAMBA SESIGABA B:	50
SAMBA SAKO KONKHE:	100

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniwe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusilele naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniwe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhiwo sona asitsintseki ngalokwehlukaniwa kwelizinga lelisetulu ngalokubabatekako nelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHLELA (Imphendvulo nemibono) Kuhleleka kwemibono nakulungiselelwa kubhala Kucikelelwa kwenhloso, tetsamelilwati nesimongcondvo. 30 EMAMAKI	Lizinga lelisetulu ngalokubabatekako	28–30 -Imphendvulo lengemalengiso lababateka ngetulu kwalokulindlelekile. -Imibono ivutsiwe, inekuhlakanipha lokukhombisa kucabanga lokujulile. -Kuhleleka kungemalengiso lababatekako kubumbene nesingeniso, umtimba kanye nesiphetfo.	22–24 -Imphendvulo lesecophelweni lelisetulu ngalokubabatekako. -Imibono ivutsiwe, iyaheha ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetfo.	16–18 -Imphendvulo leyenetisako. -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesiphetfo ngalokwenetisako.	10–12 -Imphendvulo lengakabumbani. -Imibono ayikacaci kantsi futsi akusiyo yekuticambela. -Buncane bufakazi bekuhleleka nekubumbana.	4–6 -Yonkhe imphendvulo iyanhlanhlatza. -Imibono ihlangahlangene futsi iyadidana ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
	Lizinga lelisetulu ngalokungababateki	25–27 -Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso kubumbene nesingeniso, umtimba nesiphetfo.	19–21 -Imphendvulo lesecophelweni lelisetulu. -Imibono iyaheha ihambisana nesihloko. -Kuhleleka lokusecophelweni lelisetulu lokubumbene nesingeniso, umtimba nesiphetfo.	13–15 -Imphendvulo leyenetisako kodvwa kukhona lokungevakali kahle. -Imibono ibumbene iyakholweka. -Kukhona kuhleleka lokutsite kanye nekubumbana nesingeniso, umtimba nesiphetfo.	7–9 -Imphendvulo legcwele kuhanhlata. -Imibono ayihlangani, iyadidana. -Abukho bufakazi bekuhleleka nekubumbana.	0–3 -Awukho namncane umzamo wekuphendvula ngesihloko. -Yonkhe imphendvulo iyanhlanhlatza, ayemukeleki. -Akuvakali, kuhanhlangene.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA		14–15	11–12	8–9	5–6	0–3
Kuhambelana kwemoya irejista, sitayela, silulumagama nenhloso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelingi (lupelomagama)	Lizinga lelisetulu ngalokubabatekako	-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngemalengiso lababatekako. -Lulwimi lolunekutetsemba lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelingi kute. -Kunekuticambela lokungemalengiso lasetulu kakhulu.	-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngelicophelo lelisetulu. -Lulwimi lusecophelweni lelisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelingi akasimanyenti. -Kuticambela lokusecophelweni lelisetulu.	-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentisiwe kunotsisa lokucuketfwe.	-Umoya, irejista, sitayela nesilulumagama akuhambelani nenhloso tetsamelilwati nesimongcondvo. -Kusetjentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	-Lulwimi aluvakali. -Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo. -Silulumagama sincane ngendlela yekutsi lokubhaliwe akungalandzeleki.
15 EMAMAKI	Lizinga lelisetulu ngalokungababateki	13	10	7	4	
		-Lulwimi lusetjentiswe ngemalengiso nangalokuveta umoya lokhutsatako ngemphumelelo. -Esikhatsini lesinyenti emaphutsa eluhlelo nesipelingi awekho. -Kuticambela kungemalengiso.	-Lulwimi lusetjentiswe ngemphumelelo lesecopheweni lelisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelingi ambalwa. -Icambeke kahle.	-Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	-Lulwimi lusetjentiswe ngalokungenetisi. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.	

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO		5	4	3	2	0–1
Timphawu tetheksthi Kutfutukiswa kwetindzima nekwakhiwa kwemisho		-Sihloko sitfutukiswe ngemalengiso. -Imininingwane yetfulwe ngemalengiso. -Imisho netindzima kwakheke ngemalengiso lababatekako.	-Imininingwane itfutukiswe ngalokuhlelekile. -Kunekubumbana. -Imisho netindzima kuhlelekile futsi kutinhllobonhlobo.	-Imininingwane ihambisana nesihloko. -Imisho netindzima kwakheke kahle. -Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekile asilele. -Imisho netindzima kunemaphutsa. -Indzaba ayinamcondvo.
5 EMAMAKI						

SIGABA B: EMATHEKSTHI EMIBHALOMBIKO LEMIDZE (25)**IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA [25 EMAMAKI]**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO	13–15	10–12	7–9	4–6	0–3
<p>Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timphawu/timiso, nesimongcondvo.</p> <p>15 EMAMAKI</p>	<p>-Imphendvulo lengemalengiso lababatekako.</p> <p>-Imibono ivutsiwe, inekuhlakanipha lokukhombisa kucabanga lokujulile.</p> <p>-Lwati lolungemalengiso lwetimpawu teluhlobo lwetheksthi lebhawako.</p> <p>-Umbhalo ucondze ngco.</p> <p>-Lokucuketfwe kunemibono lebumbene ngemalengiso.</p> <p>-Yonkhe imininingwane icaciswe ngemalengiso kantsi futsi yesekela sihloko.</p> <p>-Sakhiwo lesifanele lesingemalengiso nalesingenamaphutsa.</p>	<p>-Imphendvulo lesecophelweni lelisetulu lekombisa lwati lolusecophelweni lelisetulu lweluhlobo lwetheksthi lebhawako.</p> <p>-Umbhalo ucondze ngco awutsemeleti.</p> <p>-Lokucuketfwe kunemibono lebumbene ngelicophelo lelisetulu.</p> <p>-Imininingwane yetfulwe ngelicophelo lelisetulu kantsi yonkhe yesekela sihloko.</p> <p>-Sakhiwo lesemukelekako lesinemaphutsa langasho lutfo.</p>	<p>-Imphendvulo leyenetisako lekombisa lwati lweluhlobo lwetheksthi lebhawako.</p> <p>-Umbhalo awukacondzi ngco ngalokuphelele unekutsemeleta lokutsite.</p> <p>-Emaphuzu alokucuketfwe abumbene ngalokwenetisako.</p> <p>-Leminye imininingwane iyasesekela sihloko.</p> <p>-Sakhiwo siyenetisa kodvwa sinemaphutsa latsite.</p>	<p>-Imphendvulo lecatfutako lekombisa lwati loluncane lweluhlobo lwetheksthi lebhawako.</p> <p>-Umbhalo unekutsemeleta lokunyenti.</p> <p>-Kubumbana kwemaphuzu alokucuketfwe kuncane kakhulu.</p> <p>-Imbalwa imininingwane leyesekela sihloko.</p> <p>-Imitsetfo netimiso letibalulekile tesakhiwo setheksthi atikalandzelwa ngalokufanele.</p> <p>-Kunyenti lokubalulekile lokusilele.</p>	<p>-Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako.</p> <p>-Inshokutsi iyanhlanhlatsa, igcwele kutsemeleta lokunyenti.</p> <p>-Emaphuzu alokucuketfwe akakabumbani nakancane.</p> <p>-Imbalwa kakhulu imininingwane leyesekela sihloko.</p> <p>-Imitsetfo netimiso tesakhiwo setheksthi letibalulekile atikalandzelwa nakancane.</p>
LULWIMI, SITAYELA NEKUHLUNGWA KWEMAPHUTSA	9–10	7–8	5–6	3–4	0–2
<p>Umoya, irejista, sitayela, inhloso, tetsamelilwati nesimongcondvo.</p> <p>Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi.</p> <p>10 EMAMAKI</p>	<p>-Umoya, irejista, sitayela nesilulumagama kuhambelana ngemalengiso nenhloso tetsamelilwati nesimongcondvo.</p> <p>-Luhlelo alunamaphutsa kantsi futsi icambeke kahle.</p> <p>-Esikhatsini lesinyenti akunamaphutsa.</p>	<p>-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngelicophelo lelisetulu.</p> <p>-Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu.</p> <p>-Silulumagama sisecophelweni lelisetulu.</p> <p>-Emaphutsa ambalwa kakhulu.</p>	<p>-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako.</p> <p>-Kunemaphutsa latsite eluhlelo.</p> <p>-Silulumagama lesenetisako.</p> <p>-Emaphutsa akayiphazamisi inshokutsi.</p>	<p>-Umoya, irejista, sitayela nesilulumagama akuhambelani kahle nenhloso tetsamelilwati nesimongcondvo.</p> <p>-Kunemaphutsa lamanyenti eluhlelo.</p> <p>-Silulumagama sincane kakhulu.</p> <p>-Inshokutsi iyaphazamiseka.</p>	<p>-Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo.</p> <p>-Kugcwele emaphutsa lamanyenti ladijanako.</p> <p>-Silulumagama asihambisani nakancane nenhloso.</p> <p>-Inshokutsi ihlangahlangene kakhulu.</p>
KWEHLUKA KWEMAMAKI	22–25	17–20	12–15	7–10	0–5